



25. november 2011
Naaja Nathanielsen

Inatsisartut Suleriaasianni § 37 naapertorlugu Naalakkersuisunut apeqqut imaattoq matumuuna saqqummiuppara:

Angutininut arnanullu annersaasartunut katsorsaanissamik neqerooruteqartaler-nissamut suliniut sumut killippa?

2010-imi Inatsisartut ukiakkut ataatsimiinnerani oqaluuserisassatut siunnersuutigaara Naalakkersuisut piunaffigineqassasut angutininut arnanullu annersaasartunut katsorsaanissamik pilersitsissasut. (UKA2010 pkt. 37).

Siunnersuut Naalakkersuisunit Inatsisartunillu tigulluarneqarpoq. Taamani Naalakkersuisuusut oqallisigisap siullermeerneqanissaanut akissuteqaatsiminni imak allapput: *Naalakkersuisut angutininut arnanullu nakuusertartunut katsorsartinnissamik neqeroorutinik pi-lersitsinissamut siunnersuutip akuersaarneqassaa innersuussutigaat.*

Taamani ilaqtariinnut ataatsimiititaliaasoq aappassaaneerilinnginnermi isumaliutissiissuutiminni imak allapput: *Siullermeerinnermi siunnersuut ilusimisut iluseqartoq tamanit tapersorsorneqarpoq. Naalakkersuisunut Inatsisartunullu ilaasortat suliarinninnerup nalaani inuiaqatigiinni nakuusertarneq ataatsimoorlutik ima akerliuffigitigaat, isumaqatigiinneq ima annertutigaluni naalakkersuinnermik suliaqartut nakuusertannginnissaq ataatsimut naqissuserlugu. (:::) Aammattaaq aningaasanut inatsisissatut siunnersuutissami katsorsartinnissamik neqeroorutissanut siunnersuutinik aalajangersimasunik Naalakkersuisut saqqummiussissasut naatsorsuutigineqarpoq. Siunnersuummut tassunga atatillugu suliniutissanut aalajangersimasunut Naalakkersuisut 2011-mi saqqummiusseriissasut Ilaqtariinnermut Ataatsimiititaliap kaammattuutigaa.*

